

ԿԱՐԳԱԻՈՐՈՒԹԻՒՆ ՀԱՍԱՐԱԿԱՑ ԱՂՕԹԻՑ ՀԱՅԱՍՏԱՆԵԱՅՑ Ս. ԵԿԵՂԵՑԻՈՑ  
ԽԱՂԱՂԱԿԱՆ ԺԱՄՈՒՆ ՈՐ ԿԱՏԱՐԻ Ի ԴԷՄՍ ՀՈԳԻՈՅՆ ԱՍՏՈՒԾՈՅ ԱՅԼ ԵՒ Ի ԴԷՄՍ  
ԲԱՆԻՆ ԱՍՏՈՒԾՈՅ, ՈՐ ԵՂԱԻ Ի ԳԵՐԵԶՄԱՆԻ ԵՒ ԷԶ Ի ԴԺՈՒՄ ԵՒ ԽԱՂԱՂՈՒԹԻՒՆ ԱՐԱՐ  
ՀՈԳԻՈՅՆ:

---

*ՕՐՀՆԵՑԻՑ զՏէր յամենայն ժամ. յամենայն ժամ օրհնութիւն նորա ի բերան իմ:  
Խաղաղական*

*Ի Տէր պարծեսցի անձն իմ. լուիցեն հեզք եւ ուրախ եղիցին:  
Մեծ արարէք զՏէր ինեւ. եւ բարձր արասցուք զանուն նորա ի միասին:  
Խնդրեցի ի Տեառնէ եւ լուաւ ինձ. յամենայն նեղութենէ իմմէ փրկեաց զիս:  
Մատիք առ Տէր եւ առէ՛ք զլոյս, եւ երեսք ձեր մի՛ ամաչեցեն:  
Այս աղբատ կարդաց առ Տէր, եւ Տէր լուաւ սմա. յամենայն նեղութենէ սորա փրկեաց զսա:  
Բանկք հրեշտակաց Տեառն շուրջ են զերկիւղածովք իւրովք, եւ պահեն զնոսա:  
Փառք Հօր եւ Որդւոյ եւ:*

*Եւ եւս խաղաղութեան զՏէր աղաչեցուք:  
Օրհնութիւն եւ փառք Հօր եւ Որդւոյ:*

**Ե Ր Գ  
ԱՍՏԻՃԱՆԱՅ**

*Ի նեղութեան իմում ես առ Տէր կարդացի եւ լուաւ ինձ. Տէր փրկեաց զանձն իմ ի շրթանց  
նենգաւորաց ի լեզուէ չարէ:  
Զի՛ տացի քեզ կամ զի՞ նչ յաւելցի լեզու նենգաւոր:*

*Զկանոն բովանդակ սաս՛: Բայց ոմանք ալիւրիա չասեն, զի երգ աստիճանաց է:*

**ՕՐՀՆԵԱԼ ՏԷՐ ՄԵՐ ՅԻՄՈՒՄ ՔՐԻՍՏՈՍ.  
ԱՄԷՆ:**

*Հաճյր մեր, որ յերկինս ես, սուրբ եղիցի անուն քո: Եկեսցէ՞ր արքայութիւն քո. եղիցին կամք քո՝  
որպէս յերկինս եւ յերկրի: Զհաց մեր հանապազորդ տո՛ւր մեզ այսօր: Եւ թո՛ւղ մեզ զպարտիս  
մեր, որպէս եւ մեք թողումք մերոց պարտապանաց: Եւ մի՛Բ տանիր զմեզ ի փորձութիւն, այլ  
փրկեա՛ր զմեզ ի չարէ: Զի քո է արքայութիւն եւ զօրութիւն եւ փառք յաւիտեանս.  
Ամէն:*

**ՍԱՂՍՈՍ ԶԷ.**

**Ժամօրհ.** Տէր Աստուած փրկութեան իմոյ. ի տուէ կարդացի, եւ ի գիշերի առաջի քո Տէր:

**(Աջ.)** Մտցեն աղօթք իմ առաջի քո, Տէր, խոնարհեցի՛ ունկն քո ի խնդրուածս իմ:

*Փառք Հօր եւ Որդւոյ եւ Հոգւոյն սրբոյ:*

ԿԱՐԳԱԻՈՐՈՒԹԻՒՆ ՀԱՍԱՐԱԿԱՑ ԱՂՕԹԻՑ ՀԱՅԱՍՏԱՆԵԱՅՑ Ս. ԵԿԵՂԵՑԻՈՑ  
ԽԱՂԱՂԱԿԱՆ ԺԱՄՈՒՆ ՈՐ ԿԱՏԱՐԻ Ի ԴԷՄՍ ՀՈԳԻՈՅՆ ԱՍՏՈՒԾՈՅ ԱՅԼ ԵՒ Ի ԴԷՄՍ  
ԲԱՆԻՆ ԱՍՏՈՒԾՈՅ, ՈՐ ԵՂԱԻ Ի ԳԵՐԵԶՄԱՆԻ ԵՒ ԷԶ Ի ԴԺՈՒՄ ԵՒ ԽԱՂԱՂՈՒԹԻՒՆ ԱՐԱՐ  
ՀՈԳԻՈՅՆ:

---

Եւ եւս խաղաղութեան զՏէր աղաչեսցուք:  
Օրհնութիւն եւ փառք Հօր եւ Որդոյ եւ:  
Խաղաղութիւն ամենեցուն.

## ՄԱՂՍՈՍ Դ.

*(Յաւագ երիցու դասէն)*

Ի կարդալ իմում լուար ինձ, Աստուած, ըստ արդարութեան. ի նեղութեան ինձ անդորր արարեր. ողորմեա՛ ինձ եւ լո՛ւր աղօթից իմոց:

Ո՛րդիք մարդկան, մինչեւ յե՞րբ էք խստասիրտք. ընդէ՞ր սիրէք գնանրութիւն. եւ խնդրէք զսրութիւն:

Ծաներո՛ւք՝ զի սքանչելիս արար Տէր սրբոյ իւրում. Տէր լուիցէ ինձ ի կարդալ իմում առ նա:

Բարկանայք եւ մի՛ մեղանչէք. գոր ինչ ասէք ի սիրտս ձեր, յանկողինս ձեր զղջացարո՛ւք:  
Մատուցէ՛ք պատարագս արդարութեան եւ յուսացարո՛ւք ի Տէր:

Բազումք ասէին թէ՛ ո՞ցուցցէ մեզ զբարութիւն Տեառն. նշանեցաւ առ մեզ լոյս երեսաց քոց. եւ ետուր ուրախութիւն սրտից մերոց:

Ի պտղոյ ցորենոյ, զինոյ եւ ձիթոյ իւրեանց լցուցեր զնոսա:

Խաղաղութեամբ յայս եւ ի սոյն ննջեսցուք եւ զարթիցուք. զի դու, Տէր, միայն առանձին յուսով քով բնակեցուցեր զմեզ:

Տէր, մի՛ սրտնտութեամբ քով յանդիմաներ զիս. եւ մի՛ բարկութեամբ քով խրատեր զիս:

Ողորմեա՛ց ինձ, Տէր, զի հիւանդ եմ ես. բժշկեա՛ զանձն իմ, զի խռովեցան ոսկերք իմ:

Անձն իմ յոյժ խռովեցաւ. եւ դու, Տէր, մինչեւ յե՞րբ:

Դա՛րձ, Տէ՛ր, եւ փրկեա՛ զանձն իմ, կեցու զիս, Տէր, ըստ ողորմութեան քում:

Զի ո՛չ ոք է, որ ի մահու յիշէ զքեզ. կամ ի դժոխս խոստովան առնիցի առ քեզ:

Վաստակեցայ ես ի հեծութեան իմում. լուացի զամենայն զիշեր զմահիճս իմ. եւ

արտասուօք իմովք զանկողինս թացի:

Խռովեցաւ ի սրտմտութենէ ակն իմ. եւ մաշեցայ ես ի վերայ ամենայն թշնամեաց իմոց:

Ի բաց կացէ՛ք յինէն ամենեքեան, ոյք գործէք զանօրէնութիւն:

Լուաւ Տէր ձայնի լալոյ իմոյ. լուաւ Տէր աղօթից իմոց, եւ Տէր զխնդրուածս իմ ընկալաւ:

Ամաչեսցեն եւ խռովեսցին յոյժ ամենայն թշնամիք իմ. դարձցին յետս եւ ամաչեսցեն յոյժ

վաղվաղակի եւ խռովեսցին:

Մինչեւ ե՞րբ, Տէր, մոռանաս զիս իսպառ, մինչեւ ե՞րբ դարձուցանես զերեսս քո յինէն:

Մինչեւ ե՞րբ դնեմ զխորհուրդս յանձն իմ. եւ ցաւք սրտի իմոյ զաւուրս:

Մինչեւ ե՞րբ բարձրանայ թշնամին ի վերայ իմ. նայեա՛ց եւ լո՛ւր ինձ Տէր Աստուած իմ:

Լո՛յս տո՛ւր, Տէր, աչաց իմոց՝ զի մի՛ երբէք ննջեցից ի մահ:

Մի՛ ասացէ թշնամին՝ թէ յաղթեցի նմա. կամ նեղիչք իմ ցնծացեն՝ թէ ես սասանեցայց:

**ԿԱՐԳԱԻՈՐՈՒԹԻՒՆ ՀԱՍԱՐԱԿԱՑ ԱՂՕԹԻՑ ՀԱՅԱՍՏԱՆԵԱՅՑ Ս. ԵԿԵՂԵՑԻՈՑ  
ԽԱՂԱՂԱԿԱՆ ԺԱՄՈՒՆ ՈՐ ԿԱՏԱՐԻ Ի ԴԷՄՍ ՀՈԳԻՈՅՆ ԱՍՏՈՒԾՈՅ ԱՅԼ ԵՒ Ի ԴԷՄՍ  
ԲԱՆԻՆ ԱՍՏՈՒԾՈՅ, ՈՐ ԵՂԱԻ Ի ԳԵՐԵԶՄԱՆԻ ԵՒ ԷԶ Ի ԴԺՈՒՄ ԵՒ ԽԱՂԱՂՈՒԹԻՒՆ ԱՐԱՐ  
ՀՈԳԻՈՅՆ:**

---

Ես յողորմութիւնս քո, Տէր, յուսացայ. ցնծացաւ սիրտ իմ ի փրկութեան քում, օրհնեցից  
զՏէր զբարերարդ իմ:

Պահեա՛ զիս Աստուած իմ, զի եւ ի քեզ յուսացայ. ասացի Տեառն՝ Տէր իմ ես դու եւ բարիք  
իմ ինձ ի քէն են:

Սրբոց քոց՝ որք են յերկրի քում, սքանչելի արարեր զամենայն կամս իմ ի նոսա:

Յաճախեցին հիւանդութիւնք նոցա. յետ այսորիկ ապա վաղվաղեցին:

Ո՛չ ժողովեցայց ի խողովս նոցա յարեանց եւ ո՛չ յիշեցից զանուանս նոցա ի շրթունս իմ:

Տէր բաժին ժառանգութեան իմոյ եւ բաժակի իմոյ դու ես, որ այսրէն դարձուցանես  
զժառանգութիւն իմ յիս:

Վիճակք ելին ինձ ընդ ընտիրս. եւ ժառանգութիւն իմ հաճոյ եղեւ ինձ:

Օրհնեցից զՏէր որ իմաստուն արար զիս. մինչ ի գիշերի եւս խրատեցին զիս երիկամունք  
իմ:

Յառաջագոյն տեսանէի զՏէր առաջի իմ յամենայն ժամ. զի է ընդ աջմէ իմմէ՝ զի մի  
սասանեցայց:

Վասն այսորիկ ուրախ եղեւ սիրտ իմ եւ ցնծացաւ լեզու իմ. եւ եւ մաչմին իմ բնակեցի  
յուսով:

Զի ո՛չ թողցես զանձն իմ ի դժոխս, եւ ո՛չ տացես սրբոյ քում տեսանել զապականութիւն:

Յուցեր ինձ զճանապարհս կենաց. լցուցեր զիս ուրախութեամբ երեսաց քոց ի  
քաղցրութենէ վայելչութեան աջոյ քո մինչ իսպառ:

Լո՛ւր, Տէր, արդարութեան եւ նայեա՛ ի խնդրուածս իմ. ո՛րնկն դիր աղօթից իմոց՝ զի ո՛չ  
շրթամբք նենգաւորօք:

Յերեսաց քոց իրաւունք ինձ ելցեն, եւ աչք իմ տեսցեն զուղղութիւն:

Փորձեցեր զսիրտ իմ. եւ քննեցեր ի գիշերի. փորձեցեր զիս եւ ո՛չ գտաւ յիս անիրաւութիւն:

Մի՛ խօսեցի բերան իմ զգործս որդւոց մարդկան. վասն բանից շրթանց քոց ես պահեցից  
զճանապարս իիստս:

Հաստատեա՛ զշաւիղս իմ ի ճանապարհի քում, զի մի՛ գայթակղեցին գնացք իմ:

Ես առ քեզ, Տէր, կարդացի՝ զի լուար ինձ, Աստուած, խոնարհեցո՛ւ առ իս զունկն քո եւ լուր  
բանից իմոց:

Սքանչելի արարեր զողորմութիւնս քո. ո՛ փրկես զայնոսիկ, ոյք յուսացեալ են ի քեզ,  
յայնցանէ ոյք հակառակ կան աջոյ քո:

Պահեա՛ զիս որպէս բիբ ական. ընդ հովանեաւ թելոց քոց ծածկեցես զիս յերեսաց  
ամբարըշ տաց՝ ոյք տառապեցուցին զիս:

Թշնամիք զանձն իմ պաշարեցին, եւ ի ճարպս իւրեանց արգելին, եւ բերանք նոցա  
խօսեցան զամբարտաւանութիւն:

Մերժեցին զիս եւ այժմ դարձեալ պատեցան զինեւ. ուշ եղին խոնարհեցուցանել զիս  
յերկիր:

**ԿԱՐԳԱԻՈՐՈՒԹԻՒՆ ՀԱՍԱՐԱԿԱՑ ԱՂՕԹԻՑ ՀԱՅԱՍՏԱՆԵԱՅՑ Ս. ԵԿԵՂԵՑԻՈՑ  
ԽԱՂԱՂԱԿԱՆ ԺԱՄՈՒՆ ՈՐ ԿԱՏԱՐԻ Ի ԴԷՄՍ ՀՈԳԻՈՅՆ ԱՍՏՈՒԾՈՅ ԱՅԼ ԵՒ Ի ԴԷՄՍ  
ԲԱՆԻՆ ԱՍՏՈՒԾՈՅ, ՈՐ ԵՂԱԻ Ի ԳԵՐԵԶՄԱՆԻ ԵՒ ԷԶ Ի ԴԺՈՒՄ ԵՒ ԽԱՂԱՂՈՒԹԻՒՆ ԱՐԱՐ  
ՀՈԳԻՈՅՆ:**

---

Համարեցան ինձ որպէս առիւծ, զի պատրաստի յորս, եւ որպէս կորիւն առիւծու զի նստի դարանեալ:

Արի՛ Տէր ժամանեա՛ նոցա եւ խափանեա՛ զնոսա. փրկեա՛ զանձըն իմ յամբարշտաց, ի սրոյ եւ ի ձեռաց թշնամոյն:

Տէր, կորո՛ զնոսա յերկրէ, բաժանեա՛, եւ խափանեա՛ զնոսա ի կեանս իւրեանց:

Գաղտնեօք քովք լցան որովայնք նոցա, յագեցան կերակըրովք՝ եւ թողին զմնացուածս տղայոց իւրեանց:

Ես արդարութեամբ երեւեցայց երեսաց քոց. եւ յագեցայց յերեւիլ փառաց քոց:

Դա՛տ արա՛ ինձ, Աստուած, եւ իրա՛ւ արա՛ ինձ ի դատաստանի իմում:

Յազգէ՛ որ ո՛չ է սուրբ, ի մարդոյ մեղաւորէ նենգաւորէ փրկեա՛ զիս:

Դու, Աստուած, հզօրիչ իմ ես. ընդէ՞ր մոռացար զիս, ընդէ՞ր տրտում գնամ ես ի նեղել թշնամոյ իմոյ:

Առաքեա՛ Տէր զլոյս քո եւ զճըշմարտութիւն քո, զի առաջնորդեցեն ինձ եւ հանցեն զիս ի լեռոն սուրբ եւ ի յարկս քո:

Մտից առաջի սեղանոյ Աստուծո առ Աստուած, որ ուրախ առնէ զմանկութիւն իմ:

Խոստովան եղէց քեզ օրհնութեամբ, Աստուած, Աստուած իմ:

Ա՛րդ՝ ընդէ՞ր տրտում ես անձն իմ, կամ ընդէ՞ր խտովես զիս. յուսա՛ առ Աստուած. խոստովանեա՛ նմա. փրկիչ երեսաց իմոց Աստուած է:

Աստուած, յօգնել ինձ նայեա՛ց. եւ Տէր, յընկերել ինձ փութա՛:

Ամաչեցեն եւ յամօթ լիցին, ոյք խնդրէին զանձն իմ. դարձցին յետըս եւ ամաչեցեն, ոյք խորհէին ինձ չար:

Դարձցին առ ժամայն ամաչեցեալք. ոյք ասէին ինձ վա՛շ, վա՛շ:

Ցնծացեն եւ ուրախ լիցին ի քեզ ամենեքեան, ոյք խնդրեն զքեզ Տէր:

Ասացեն յամենայն ժամ մեծ է Աստուած. եւ ոյք սիրեն զփրկութիւնս քո:

Ես աղբատ եւ տնանկ եմ, Աստուած, օգնեա՛ ինձ. օգնական եւ փրկիչ իմ ես դու, Տէր իմ, մի՛ յամենար:

Տո՛ւր զօրութիւն ծառայի քո. կեցո՛ զորդի աղախնոյ քո. եւ արա՛ առ իս նշան բարութեան:

Տեցեն ատելիք իմ եւ ամաչեցեն. զի դու, Տէր, օգնեցեր ինձ, եւ մխիթարեցեր զիս:

*Փառք Հօր եւ Որդւոյ եւ Հոգւոյն:*

**Ե Ր Գ**

*(Յաւագ երիցու դասէն)*

Շնորհեա մեզ, Տէր, ի գիշերի զերկնային զխաղաղութիւն քո. եւ պահեա՛ զմեզ ի պարանաց թըշնամոյն՝ ամենայայդ զօրութեամբ սուրբ խաչի քո:

Տէր Աստուած փրկութեան իմոյ, ի տուէ կարդացի եւ ի գիշերի առաջի քո:

Մտցեն աղօթք իմ առաջի քո, Տէր, խոնարհեցի ունկն քո ի խնդրուածս իմ:

**ԿԱՐԳԱԻՈՐՈՒԹԻՒՆ ՀԱՍԱՐԱԿԱՑ ԱՂՕԹԻՑ ՀԱՅԱՍՏԱՆԵԱՅՑ Ս. ԵԿԵՂԵՑԻՈՑ  
ԽԱՂԱՂԱԿԱՆ ԺԱՄՈՒՆ ՈՐ ԿԱՏԱՐԻ Ի ԴԷՄՍ ՀՈԳԻՈՅՆ ԱՍՏՈՒԾՈՑ ԱՅԼ ԵՒ Ի ԴԷՄՍ  
ԲԱՆԻՆ ԱՍՏՈՒԾՈՑ, ՈՐ ԵՂԱԻ Ի ԳԵՐԵԶՄԱՆԻ ԵՒ ԷԶ Ի ԴԺՈՒՄ ԵՒ ԽԱՂԱՂՈՒԹԻՒՆ ԱՐԱՐ  
ՀՈԳԻՈՅՆ:**

---

Եկեացէ առ մեզ, Տէր, պահապան ի քէն, եւ պահեացէ զմեզ յամենայն ժամ:  
Առաքեա՛ ի մեզ, Տէր, զգորութիւն սրբոյ խաչին, որ պահեացէ զմեզ յամենայն ժամ:  
Արժանի՛ արա, Տէր, զերեկս զայս խաղաղութեամբ եւ առանց փարձութեան անցո՛ զմեօք:  
Արժանաւորեա՛, Տէր, զգիշերս զայս խաղաղութեամբ եւ առանց մեղաց պահելով զմեզ:  
Ընդ մեզ Տէր Աստուած, գիտասցիք, հեթանոսք, եւ պարտեցարուք. զի Աստուած ընդ մեզ է:  
Եւ լուարուք զայս ի ծագաց մինչեւ ի ծագս երկրի. զի:  
Եւ հօրացեալքդ պարտեցարուք. զի:  
Եւ զի թէպէտ եւ դարձեալ զօրանայք՝ դարձեալ ի պարտութիւն մատնեսցիք. զի:  
Եւ զխորհուրդն զոր խորհիք խափանէ Տէր. զի:  
Եւ զբանն զոր խօսիք մի՛ նմացէ առ ձեզ. զի:  
Եւ քանզի յերկիրէ ձերմէ մեք ո՛չ երկիցուք եւ ո՛չ խռովիցուք. զի:  
Եւ զՏէր Աստուած մեր փառաւոր արասցուք. եւ նա եղիցի մեզ երկիր. զի:  
Եւ յուսացեալ եղիցուք մեք ի նա, եւ նա եղիցի մեզ ի սրբութիւն. զի:  
Եւ յուսացեալ եղիցուք մեք ի նա, եւ նա եղիցի մեզ ի փրկութիւն. զի:  
Եւ ահաւասիկ ես եւ մանկունք իմ, զոր ետ ինձ Աստուած, զի:  
Եւ խողովուրդ, որ նստէր ի խաւարի՝ ետես զլոյս մեծ. զի:  
Եւ որ բնակեալդ էք ի խաւարի եւ ի ստուերս մահու՝ լոյս ծագեցի առ ձեզ. զի:  
Եւ քանզի մանուկ ծնաւ որդի եւ տուաւ մեզ. զի:  
Եւ որոյ իշխանութիւն իւր ի վերայ ուսոց իւրոց. զի:  
Եւ որ կոչի անուն նորա մեծի խորհրդոյ հրեշտակ. զի:  
Եւ Աստուած հօր իշխան. զի:  
Եւ իշխան խաղաղութեան հայր հանդերձելոյ յաւիտենին. Տէր Աստուած ընդ մեզ է:  
*Եւ փառք Հօր եւ Որդւոյ եւ Հոգւոյն սրբոյ. այժմ եւ միշտ եւ յաւիտենից. ամէն:*

**Մ Ա Ղ Թ Ա Ն Ք**

Ի մերձենալ երեկոյիս՝ համբառնամք զձեռս մեր ի սրբութիւն. զոր ինչ մեղաք այսօր խորհրդով՝ բանիւ կամ գործով՝ ի յանկողինս մեր զղջանալով. խոստովան լինելով զգաղտնիս սրտից մերոց ծածկագիտիդ Աստուծոյ. յուսալով յողորմութիւն քո: Եւ մեք միաբան գոչեցուք՝ յիշեա՛ զմեզ, Տէր, յորժամ գաս արքայութեամբ քով, եւ ողորմեա՛ մեզ:

**Ք Ա Ր Ո Ջ**

**(Ա2.)** Եւ եւս խաղաղութեան զՏէր աղաչեցուք:  
Գահացարո՛ւք զՏեառնէ, որ իւրով ողորմութեամբքն առաջնորդեաց մեզ ի գործս տունջեան. եւ շնորհեաց մեզ միաբան գալ հասանիլ ի հանգիստ գիշերիս: Եւ մեք յամենայն ժամ

**ԿԱՐԳԱԻՈՐՈՒԹԻՒՆ ՀԱՍԱՐԱԿԱՑ ԱՂՕԹՅ ՀԱՅԱՍՏԱՆԵԱՅՑ Ս. ԵԿԵՂԵՑԻՈՑ  
ԽԱՂԱՂԱԿԱՆ ԺԱՄՈՒՆ ՈՐ ԿԱՏԱՐԻ Ի ԴԷՄՍ ՀՈԳԻՈՅՆ ԱՍՏՈՒԾՈՅ ԱՅԼ ԵՒ Ի ԴԷՄՍ  
ԲԱՆԻՆ ԱՍՏՈՒԾՈՅ, ՈՐ ԵՂԱԻ Ի ԳԵՐԵԶՄԱՆԻ ԵՒ ԷԶ Ի ԴԺՈՒՄ ԵՒ ԽԱՂԱՂՈՒԹԻՒՆ ԱՐԱՐ  
ՀՈԳԻՈՅՆ:**

---

աղաչեսցուք զմարդասերն Աստուած, լինիլ պահապան անձանց մերոց. եւ նա իւրով  
ողորմութեամբն պահեսցէ զմեզ. եւ առաջնորդեալ հասուցէ յիւր բարութեան յանգիստն. գոր  
խոստացաւ սիրելեաց իւրոց ճշմարիտն Աստուած Յիսուս Քրիստոս. Տէրն ամենակալ կեցուցէ  
եւ ողորմեսցի:

Ձեանգիստ գիշերիս խաղաղութեամբ:  
Ձիրեշտակ խաղաղութեան պահապան:  
Ձբաւութիւն եւ զթողութիւն յանցանաց:  
Ձարբոյ խաչին մեծ եւ կարող զօրութիւն:  
Եւ եւս միաբան վասն ճշմարիտ եւ սուրբ:  
Ձանձինս մեր եւ: Ողորմեա՛ց մեզ Տէր:

**Ա Ղ Օ Թ Ք**

(Ա<sub>2</sub>.) Տէր բարերար, որ մեծաւ գթութեամբ քով պատրաստեցեր զյաւիտենական հանգիստն  
առաքինութեամբ աշխատելոցն, եւ կոչեցեր առ քեզ զքաղցր ձայնիւ զծանրաբեռնեալսն եւ  
զտաժանեալսն մեղօք՝ հանգիստ նոցա խոստանալով: Ծնորհեա՛ եւ մեզ Տէր՝ անխռով  
խաղաղութեամբ զգիշերս անցուցանել. եւ ի ծանրութենէ մեղաց զաշխատեալս ապահովեա՛  
ողորմութեամբ քով. եւ արժանավորեա՛ մշտնջենաւոր հանգստեանն ընդ ամենայն սուրբս քո:  
Եւ գոհանալով փառաւորեսցուք զքեզ ընդ չօր եւ ամենասրբոյ Հոգւոյդ. այժմ եւ միշտ:

*Խաղաղութիւն ամենեցուն.  
Աստուծոյ երկիրպագեսցուք.*

Պարգեւատու բարեաց եւ աղբիւր խաղաղութեան, Տէր Աստուած մեր, յամենայն  
սատանայական խռովութեանց խաղաղացո՛ զմիտս մեր եւ զխորհուրդս ի գիշերիս յայսմիկ եւ  
առաջնորդեալք յանցաւոր կենցաղոյս՝ ժամանեսցուք յաւիտենական երկնից արքայութեան քո.  
գոր պատրաստեցեր ի սկզբանէ աշխարհի սրբոց քոց: Եւ ընդ նոսին գոհանալով  
փառաւորեսցուք զՀայր եւ զՈրդի եւ զսուրբ Հոգիդ այժմ եւ:

**ՍՍՂՄՈՍ ԻԶ.**

*(Յաւագ երիցու դասէն)*

Տէր լոյս իմ եւ կեանք իմ՝ եւ յումմէ՛ երկեայց. Տէր ապաւեն կենաց իմոց՝ եւ յումմէ՛  
դողացայց:

Ի մերձենալ առ իս չարաց ուտել զմարմին իմ. նեղիչք իմ եւ թշնամիք իմ նոքա  
տկարացան եւ անկան:

ԿԱՐԳԱԻՈՐՈՒԹԻՒՆ ՀԱՍԱՐԱԿԱՑ ԱՂՕԹԻՑ ՀԱՅԱՍՏԱՆԵԱՅՑ Ս. ԵԿԵՂԵՑԻՈՅ  
ԽԱՂԱՂԱԿԱՆ ԺԱՄՈՒՆ ՈՐ ԿԱՏԱՐԻ Ի ԴԷՄՍ ՀՈԳԻՈՅՆ ԱՍՏՈՒԾՈՅ ԱՅԼ ԵՒ Ի ԴԷՄՍ  
ԲԱՆԻՆ ԱՍՏՈՒԾՈՅ, ՈՐ ԵՂԱԻ Ի ԳԵՐԵԶՄԱՆԻ ԵՒ ԷԶ Ի ԴԺՈՒՄ ԵՒ ԽԱՂԱՂՈՒԹԻՒՆ ԱՐԱՐ  
ՀՈԳԻՈՅՆ:

---

Թե պատրաստիցի ի վերայ իմ պատերազմ, ո՛չ երկիցե սիրտ իմ. թե յարիցե ի վերայ իմ  
ճակատամարտ, սակայն եւ այսուիկ ի քեզ, Տէր, յուսացայ:

Զմի խնդրեցի ի Տեառնէ եւ ըզսոյն աղաչեմ. բնակիլ ինձ ի տան Տեառն զամենայն աւուրս  
կենաց իմոց:

Տեսանել ինձ զվայելչութիւն Տեառն. եւ հրաման տալ ի տաճարի նորա:

Ծածկեաց զիս ի խորանի իւրում յաւուր չարի, ընդ յարկաւ արար զիս ի ծածկոյթ խորանի  
իւրում:

Ի վիմէ բարձր արարեր զիս. եւ այժմ բա՛րձր արա՛ զգլուխ իմ ի վերայ թշնամեաց իմոց:

Շուրջ եղեց եւ մատուցից ի խորանի նորա պատարագ օրհնութեան. օրհնեցից եւ սաղմոս  
ասացից Տեառն:

Լո՛ւր, Տէր, ձայնի իմում, զի կարդացի առ քեզ. ողորմեա՛ ինձ եւ լո՛ւր ինձ. զի քեզ անսաց  
սիրտ իմ. եւ խնդրեցին երեսք իմ. զերեսս քո, Տէր, խնդրեցին:

Մի՛ դարձուցաներ զերեսս քո յինէն. եւ մի՛ խտորիբ բարկութեամբ ի ծառայէ քումմէ:

Օգնական իմ լե՛ր, Տէր, մի՛ անարգեր զիս. եւ մի՛ թողուր զիս, Աստուած Փրկիչ իմ:

Հայր իմ եւ մայր իմ թողին զիս. եւ Տէր իմ ընկալաւ զիս:

Օրէնսզէ՛տ արա՛ զիս, Տէր, ի ճանապարհի քում. եւ առաջնորդեա՛ ինձ ի շաւիղս քո  
ուղիղս:

Վասն թշնամեաց իմոց մի՛ մատներ զիս ի ձեռս նեղչաց իմոց:

Յարեան ի վերայ իմ վկայք մեղաց. եւ ստեցին ինձ յանօրէնութեան իւրեանց:

Հաւատացի տեսանել զբարութիւն Տեառն յերկրին կենդանեաց:

Համբե՛ր Տեառն եւ քաջալերեա՛ց. զօրացի սիրտ քո եւ համբե՛ր Տեառն:

*Փառք Հօր եւ Որդւոյ եւ Հոգւոյ:*

Ե Ր Գ  
ՏԵԱՌՆ ՆԵՐՄԻՄԻ  
ԲԶ.

*(Յաւագ երիցու դասէն)*

Նայեա՛ց սիրով, Հայրդ գթած՝

Ի քո ստեղծեալ գործս ձեռաց.

Եւ զբանակս հրեշտակաց՝

Տո՛ւր պահապան մեզ տկարացս.

Փրկեա՛ զանձինս ի փարձանաց՝

Ի խաւարի շրջող դիւաց.

Զի ի տուրնջեան եւ գիշերի՝

Տացուք քեզ փառս անլրժելի:

ԿԱՐԳԱԻՈՐՈՒԹԻՒՆ ՀԱՍԱՐԱԿԱՑ ԱՂՕԹԻՑ ՀԱՅԱՍՏԱՆԵԱՅՑ Ս. ԵԿԵՂԵՑԻՈՑ  
ԽԱՂԱՂԱԿԱՆ ԺԱՄՈՒՆ ՈՐ ԿԱՏԱՐԻ Ի ԴԷՄՍ ՀՈԳԻՈՅՆ ԱՍՏՈՒԾՈՅ ԱՅԼ ԵՒ Ի ԴԷՄՍ  
ԲԱՆԻՆ ԱՍՏՈՒԾՈՅ, ՈՐ ԵՂԱԻ Ի ԳԵՐԵԶՄԱՆԻ ԵՒ ԷԶ Ի ԴԺՈՒՄ ԵՒ ԽԱՂԱՂՈՒԹԻՒՆ ԱՐԱՐ  
ՀՈԳԻՈՅՆ:

---

Էին անեղ անըսկըզբան՝  
Ծընունդ անճառ Որդի եւ Բան.  
Որ արարեր ըզտիւ գործոյ  
Եւ ըզգիշեր ի հանգիստ քնոյ՝  
Տու ի նընջել աչաց մարմնոյ՝  
Արթուն լինիլ մեզ ըստ հոգոյ. զի:

Բարո՛ւն հոգւոց բանաւորաց՝  
Աղբի՛ւր լուսոյ բաշխող շնորհաց,  
Ի փակիլ դրանց բնութեանց մարմնոց՝  
Լոյս տուր աչաց սրտից մերոց.  
Ընդ հրեղինաց օրհնաբանել. զի:

Սո՛ւրբդ սրբոց Երրորդութիւն,  
Ըզմեզ մաքրեա՛ քեզ բնակութիւն.  
Շնորհեա՛ ընդ մանկանցն առագաստի՝  
Հանգչիլ ընդ քեզ ի յանկողնի.  
Տո՛ւր ըզհայցուած բարեկամին՝  
Ըզփոխ երից նըկանակին. զի:

Երեւելի լոյս ըստեղծեր,  
Զտիւ եւ զգիշեր բաժանեցեր.  
Ծագեա՛ մեզ, Տէր, ի գիշերի  
Ըզճառագայթս իմանալի.  
Տուր յամենայն ժամանակի  
Զպահպանող աջ քո հովանի. զի:

Միրոյ քո հուր արկեալ յերկիր՝  
Բորբոքեցի ի հոգիս մեր.  
Զխորհուրդ սրտից մեր մաքրեցէ,  
Զլոյս գիտութեան քո փայլեցէ,  
Ի քնոյ մահու զմեզ զարթուցէ,  
Զմիտս բոցով քո վառեցէ. զի:

Իքեզ նայիմք, լո՛յսդ անմատոյց  
Ի զգայական ծածկեալ լուսոյ.  
Որ վասն մեր եղար ի գրի,



ԿԱՐԳԱԻՈՐՈՒԹԻՒՆ ՀԱՍԱՐԱԿԱՑ ԱՂՕԹԻՑ ՀԱՅԱՍՏԱՆԵԱՅՑ Ս. ԵԿԵՂԵՑԻՈՑ  
ԽԱՂԱՂԱԿԱՆ ԺԱՄՈՒՆ ՈՐ ԿԱՏԱՐԻ Ի ԴԷՄՍ ՀՈԳԻՈՅՆ ԱՍՏՈՒԾՈՅ ԱՅԼ ԵՒ Ի ԴԷՄՍ  
ԲԱՆԻՆ ԱՍՏՈՒԾՈՅ, ՈՐ ԵՂԱԻ Ի ԳԵՐԵԶՄԱՆԻ ԵՒ ԷԶ Ի ԴԺՈՒՄ ԵՒ ԽԱՂԱՂՈՒԹԻՒՆ ԱՐԱՐ  
ՀՈԳԻՈՅՆ:

---

Եւ նրնջեցեր ի տապանի՝  
Առ մեզ ննջեա՛, արթո՛ւն բնութիւն,  
Հերքեա՛ զչարին ներգործութիւն. զի:

Էիդ լուսոյ անբատուերի  
Պաղատանօք կամք առաջի.  
Որ փակեալ դրամբք յերեկոյին՝  
Երեւեցար մետասանին.  
Ընդ թովմայի առ քեզ գոչեմք՝  
Տէր եւ Աստուած զքեզ դաւանեմք.  
Էջ եւ առ մեզ յերեկոյիս՝  
Եւ տո՛ւր գողջոյն քո ի հոգիս:

Բամեալքս ըզքեզ, Տէր, աղաչեմք՝  
Մեզ յօգնութիւն նայեա՛, հայցեմք,  
Պահապանդ Իսրայէլի՝  
Անձանց մերոց լե՛ր հովանի.  
Օթեա՛ առ մեզ, խաղաղարար,  
Զի ննջեցուք անխռովարար.  
Եւ ընդ առաւօտըս կանխեցուք  
Օրհնել զքեզ ընդ Հօր հոգւով:

Գոչման փողոյն Գաբրիէլի՝  
Որ ի վերջումն գիշերի  
Լըսել արա՛ մեզ արժանի,  
Եւ յաջակողմն օղեաց դասի.  
Անշէջ վառեալ զլոյս լապտերաց՝  
Ըստ իմաստուն հինգ կուսանաց.  
Զի ընդ փեսայիդ ի յառագաստ՝  
Հարսունք հոգւով մտցուք ի փառս:

*Հալածեա՛ ի մէնջ, Տէր, նշանաւ խաչի քո զընդիդիմամարտ եւ զաներեւոյթ զազանն. եւ մի՛ տար  
յապականութիւն զքո ժառանգութիւնս:*

*Բարեխօսեա վասն մեր, Աստուածածին Մարիամ, որ ծնար  
զՏէր Աստուած՝ որ հովուէրըն զԻսրայէլ՝ ամենագօր եւ սքանչելի փառօքն իւրովք:*

ԿԱՐԳԱԻՈՐՈՒԹԻՒՆ ՀԱՍԱՐԱԿԱՑ ԱՂՕԹԻՑ ՀԱՅԱՍՏԱՆԵԱՅՑ Ս. ԵԿԵՂԵՑԻՈՑ  
ԽԱՂԱՂԱԿԱՆ ԺԱՄՈՒՆ ՈՐ ԿԱՏԱՐԻ Ի ԴԷՄՍ ՀՈԳԻՈՅՆ ԱՍՏՈՒԾՈՑ ԱՅԼ ԵՒ Ի ԴԷՄՍ  
ԲԱՆԻՆ ԱՍՏՈՒԾՈՑ, ՈՐ ԵՂԱԻ Ի ԳԵՐԵԶՄԱՆԻ ԵՒ ԷԶ Ի ԴԺՈՒՄ ԵՒ ԽԱՂԱՂՈՒԹԻՒՆ ԱՐԱՐ  
ՀՈԳԻՈՅՆ:

**Մ Ա Ղ Թ Ա Ն Ք**

Տէր՝ մի՛ դարձուցաներ զերեսս քո յինէն, Տէր բարերար, աղաչեմ զքեզ. օգնակա՛ն իմ լեր:  
Տէր, մի՛ անարգեր զիս. եւ մի՛ թողուր զիս, Աստուա՛ փրկիչ իմ:

**Ք Ա Ր Ո Ջ**

(Ա<sub>2</sub>.) Աղաչեցոյք զամենակալն Աստուած եւ խնդրեցոյք ի նմանէ, զի առաքեցէ զհըրեշտակ  
խաղաղութեան, որ եկեալ պահեցէ զմեզ յերկիւղական զիշերիս՝ ի դիւական խռովութենէ,  
ամբողջ պահելով զհոգի եւ զմարմին մեր մինչեւ ի կատարումն ժամանակի ամաց մերոց:  
Ամենակալ Տէր Աստուած մեր կեցո՛ւ եւ ողորմեա՛:

**Ա Ղ Օ Թ Ք**

*(Յաւագ երկոցու դասէն)*

Շնորհատու բարեաց յամենայնի առատ եւ անմահ Տէր, աղաչեմք զքեզ՝ փարատեա՛  
յանձանց մերոց զաղջամղջին եւ զխաւարային խորհուրդս: Ի պատրանաց բանսարկուին  
պահեա՛ զմեզ, եւ շնորհեա՛ մեզ հաւատով ապաւինել յամենասուրբ Երրորդութիւնը՝ ի Հայր եւ  
յնորդի եւ ի սուրբ Հոգիդ. այժմ եւ միշտ եւ յաւիտեանս յաւիտենից.  
ամէն:

*Յաւորս աղուհացից աստ ասի Ամբիժ՝ իսկ յայլ աւուրս՝*

*Հայր մեր, որ յերկինս ես:*

**ՄԱՂՄՈՍ ՃՇԸ.**

(Ա<sub>2</sub>.) Երանեալ են անբիծք ի ճանապարհի, եւ ոյք գնան յօրէնս Տեան:

Երանի՛ ոյք քննեն զվկայութիւնս նորա. բոլորով սրտիւ իւրեանց խնդրեցեն զնա:

Ո՛չ թէ ոյք գործեն զանօրէնութիւն, ի ճանապարհս նորա գնացեն:

Դու պատուիրեցեր զպատուիրանս քո՝ ի պահել ինձ յոյժ:

Երանի թէ յաջողեալ էին ինձ ճանապարհք իմ, ի պահել ինձ զարդարութիւնս քո:

Յայնժամ ես ո՛չ ամաչէի, ի ըզգուշանալ ինձ ի պատուիրանս քո:

Խոստովան եղէց քեզ, Տէր, յուղղութիւն սրտի իմոյ. որպէս ուսայց զիրաւունս  
արդարութեան քո:

Զիրաւունս քո պահեցի. մի՛ թողուր զիս մինչ իսպառ:

Ի՛ւ ուղղեցէ երիտասարդ զճանապարհս իւր, այլ ի պահել ըզբանս քո:

Բոլորով սրտիւ իմով խնդրեցի զքեզ. մի՛ մերժեր զիս ի պատուիրանաց քոց:

Ի սրտի իմում թողուցի զբանս քո, որպէս զի մի՛ մեղայց քեզ:

Օրհնեալ ես դու, Տէր. ուսո՛ւ ինձ զարդարութիւն քո:

**ԿԱՐԳԱԻՈՐՈՒԹԻՒՆ ՀԱՍԱՐԱԿԱՑ ԱՂՕԹԻՑ ՀԱՅԱՍՏԱՆԵԱՅՑ Ս. ԵԿԵՂԵՑԻՈՑ  
ԽԱՂԱՂԱԿԱՆ ԺԱՄՈՒՆ ՈՐ ԿԱՏԱՐԻ Ի ԴԷՄՍ ՀՈԳԻՈՅՆ ԱՍՏՈՒԾՈՅ ԱՅԼ ԵՒ Ի ԴԷՄՍ  
ԲԱՆԻՆ ԱՍՏՈՒԾՈՅ, ՈՐ ԵՂԱԻ Ի ԳԵՐԵԶՄԱՆԻ ԵՒ ԷԶ Ի ԴԺՈՒՄ ԵՒ ԽԱՂԱՂՈՒԹԻՒՆ ԱՐԱՐ  
ՀՈԳԻՈՅՆ:**

---

Շրթամբք իմովք պատմեցից զամենայն իրաւունս բերանոյ քո:  
Ի ճանապարհս վկայութեանց քոց զուարճացայ, որպէս յամենայնի ի մեծութեան:  
Ի պատուիրանս քո հոգացայ եւ զգուշացայ ի ճանապարհս քո:  
Զիրաւունս քո խօսոցայ, եւ ո՛չ մոռացայ զբանս քո:  
Հատո՛ ծառայի քում, զի կեցից, եւ պահեցից զբանս քո:  
Զարթո՛ն՝ զաչս իմ, եւ նայեցայց ի սքանչելիս օրինաց քոց:  
Պանդուխտ եմ ես յերկրի՝ մի՛ թագուցանէր յինէն զպատուիրաննս քո:  
Փափագեաց անձն իմ ի ցանկալ ինձ յիրաւունս քո յամենայն ժամ:  
Մաստեցեր ամբարտաւանից. անիծեալ՝ ոյք խոտորեցան ի պատուիրանաց քոց:  
Ի բա՛ց արա՛ յինէն զնախատիննս եւ զարհամարհանս. զի զվրկայութիւնս քո խնդրեցի:  
Քանզի նստան իշխանք եւ չարախօսէին զինէն, այլ ծառայ քո խորհէր յիրաւունս քո:  
Զի վկայութիւնք քո խօսք իմ էին. եւ խորհուրդք իմ արդարութիւն քո:  
Մերձեցաւ անձն իմ ի հող. Տէր, կեցո՛ զիս ըստ բանի քում:  
Զճանապարհս իմ պատմեցի քեզ, եւ լուար ինձ. ուստ ինձ զարդարութիւն քո:  
Ի ժանապարհս արդարութեանց քոց իմաստո՛ւն արա՛ զիս, եւ քննեցից զսքանչելիս քո:  
Տքնեցաւ անձն իմ առ ի ձանձրանալ. հաստատեա՛ զիս ի բանս քո:  
Զճանապարհս մեղաց ի բաց արա՛ յինէն. եւ յօրէնս քո ողորմեաց ինձ:  
Զճանապարհս ճշմարտութեան ընտրեցի. եւ զիրաւունս քո ես ոչ մոռացայ:  
Մերձեցայ ես ի վկայութիւնս քո, Տէր, մի՛ յամօթ առնէր զիս:  
Ի ճանապարհս պատուիրանաց քոց ընթացայ. զի անդորր արարէր սրտի իմոյ:  
Օրէնսզէտ արա՛ զիս, Տէր, ի ճանանապարհս իրաւանց քոց. եւ խնդրեցից զնա յամենայն  
ժամ:  
Իմաստո՛ւն արա՛ զիս, Տէր, եւ քննեցից զօրէնս քո, եւ պահեցից զնա բոլորով սրտիւ իմով:  
Առաջնորդեա՛ ինձ ի շաւիղս պատուիրանաց քոց, Տէր, զի ընդ նոսա հաճեցայ:  
Խոնարհեցո՛ զսիրտ իմ ի վկայութիւնս քո, Տէր. եւ մի՛ յագահութիւն:  
Դարձո՛ զաչս իմ, զի մի՛ տեսից զնանրութիւն. ի ճանապարհս քո կեցո՛ զիս:  
Հաստատեա՛ ծառայի քում զբան քո յերկիւղ քո:  
Հա՛ն յինէն զնախատինս, զոր եւ կարծեցի. զի դատաստանք քո քաղցր են:  
Ահա՛ ցանկացայ պատուիրանաց քոց, Տէր. յարդարութեան քում կեցո՛ զիս:  
Եկեացէ ի վերայ իմ ողորմութիւն քո, Տէր, եւ փրկութիւն քո ըստ բանի քում:  
Տաց պատասխանի, ոյք նախատեն զիս բանիւք, զի ես ի բանս քո յուսացայ:  
Մի՛ ի բացեայ առնէր ի բերանոյ իմմէ զբան ճշմարտութեան մինչեւ յոյժ, զի յիրաւունս քո  
յուսացայ:  
Պահեցի զօրէնս քո յամենայն ժամ, յաւիտեան եւ յաւիտեանս յաւիտենից:  
Գնայի ես յանդորրու, զի զպատուիրանս քո խնդրեցի:  
Խօսէի զվկայութիւնս քո առաջի թագաւորաց եւ ո՛չ ամաչէի:  
Խորհէի ի պատուիրանս քո զոր սիրեցի:

**ԿԱՐԳԱԻՈՐՈՒԹԻՒՆ ՀԱՍԱՐԱԿԱՑ ԱՂՕԹԻՑ ՀԱՅԱՍՏԱՆԵԱՅՑ Ս. ԵԿԵՂԵՑԻՈՑ  
ԽԱՂԱՂԱԿԱՆ ԺԱՄՈՒՆ ՈՐ ԿԱՏԱՐԻ Ի ԴԷՄՍ ՀՈԳԻՈՅՆ ԱՍՏՈՒԾՈՑ ԱՅԼ ԵՒ Ի ԴԷՄՍ  
ԲԱՆԻՆ ԱՍՏՈՒԾՈՑ, ՈՐ ԵՂԱԻ Ի ԳԵՐԵԶՄԱՆԻ ԵՒ ԷԶ Ի ԴԺՈՒՄ ԵՒ ԽԱՂԱՂՈՒԹԻՒՆ ԱՐԱՐ  
ՀՈԳԻՈՅՆ:**

---

Համբարձի զձեռս իմ պատուիրանս քո զոր սիրեցի. եւ խորհէի յարդարութեան քում:  
Յիշեա՛ զբան ծառայի քո, յոր եւ յուսացեր զիս:  
Սա՛ մխիթարեցէ զիս ի խոնարհութեան իմում. զի բան քո կեցոյց զիս:  
Ամբարտաւանք անիրաւեցան յիս յոյժ. այլ յօրինաց քոց եւ ո՛չ խոտորեցայ:  
Յիշեցի զիրաւունս քո յաւիտենից, Տէ՛ր, եւ մխիթարեցայ:  
Տրտմութիւն կալաւ զիս ի մեղաւորաց. եւ ոյք թողին զօրէնս քո:  
Գովելի են ինձ իրաւունք քո, ի տեղուոջ պանդխտութեան իմոյ:  
Յիշեցի ի զիշերի զանուն քո, Տէր, եւ պահեցի զօրէնս քո:  
Սա՛ եղեւ ինձ ճանապարհ ի կեանս. զի զարդարութիւնս քո խնդրեցի:

**(Ա<sub>2</sub>.)** Բաժին իմ եւ դու, Տէր, ասացի պահել ինձ զօրէնս քո:

Աղաչեցի զերեսս քո բոլորով սրտիւ իմով. ողորմեա՛ց ինձ ըստ բանի քում:  
Խորհեցայ ի ճանապարհս իմ. եւ դարձուցի զոտս ին ի վկայութիւնս քո:  
Պատրաստեցայ եւ ո՛չ խռովեցայ, զի պահեցից պատուիրանս քո:  
Տոռունք մեղաց պատեցան զինեւ. այլ զօրէնս քո եւ ո՛չ մոռացայ:  
Ի մէջ զիշերի յառնէի խոստովան լինիլ առ քեզ, վասն իրաւանց եւ արդարութեան:  
Հաղորդ էի եւ ամենայն երկիւզածաց քոց. որոց պահեալ էին զպատուրանս քո:  
Ողորմութեամբ Տեառն լի եղեւ երկիր. զարդարութիւնս քո ուսո՛ ինձ:  
Քաղցրութիւն արարեր ընդ ծառայի քում, Տէր, ըստ բանի քում:  
Զքաղցրութիւն, զխրատ, եւ ըզգիտութիւն ուսո՛ ինձ. զի ի պատուիրանս քո եւ

հաւատացի:

Մինչեւ խոնարհեալ էի ես՝ մեղայ. վասն այսորիկ զբան քո պահեցի յոյժ:  
Քաղցր եւ դու, Տէր, եւ քաղցրութեամբ քով ուսո՛ ինձ զարդարութիւնս քո:  
Բազմացան յիս անիրաւութիւնք ամբարտաւանից. այլ եւ բոլորով սրտիւ իմով քննեցի

զպատուիրանս քո:

Մաճան որպէս կաթն սիրտք նոցա. այլ եւ զօրէնս քո խօսեցայ:  
Բարի է ինձ, զի խոնարհ արարեր զիս, որպէս ուսայց զարդարութիւնս քո:  
Բարի է ինձ օրէնք բերանոյ քո՝ քան զհազարս ոսկոյ եւ արծաթոյ:  
Ձեռք քո արարին եւ ստեղծին զիս. իմաստուն արա՛ զիս եւ ուսայց զպատուիրանս քո:  
Երկիւզածանք քո տեսցեն զիս եւ ուրախ եղիցին. զի եւ ի բանս քո յուսացայ:  
Ծանեալ, Տէր, զի արդարութեամբ են դատաստանք քո. յիրաւի՛ խոնարհեցուցեր զիս:  
Եղիցի ողորմութիւն քո ի մխիթարել զիս, ըստ բանի քում, զծառայս քո:  
Եկեսցեն յիս գթութիւնք քո եւ կեցից. զի օրէնք քո խօսք իմ էին:  
Ամաչեսցեն ամբարտաւանք՝ որք ի տարապարտուց անիրաւեցան յիս. այլ եւ հոգացայ ի

պատուիրանս քո:

Եղիցի սիրտ իմ անբիծ յարդարութեան քում. զի մի՛ ամաչեցից:  
Կարօտացաւ անձն իմ ի փրկութիւնս քո, զի եւ ի բանս յուսացայ:

ԿԱՐԳԱԻՈՐՈՒԹԻՒՆ ՀԱՍԱՐԱԿԱՑ ԱՂՕԹԻՑ ՀԱՅԱՍՏԱՆԵԱՅՑ Ս. ԵԿԵՂԵՑԻՈՑ  
ԽԱՂԱՂԱԿԱՆ ԺԱՄՈՒՆ ՈՐ ԿԱՏԱՐԻ Ի ԴԷՄՍ ՀՈԳԻՈՅՆ ԱՍՏՈՒԾՈՑ ԱՅԼ ԵՒ Ի ԴԷՄՍ  
ԲԱՆԻՆ ԱՍՏՈՒԾՈՑ, ՈՐ ԵՂԱԻ Ի ԳԵՐԵԶՄԱՆԻ ԵՒ ԷԶ Ի ԴԺՈՒՄ ԵՒ ԽԱՂԱՂՈՒԹԻՒՆ ԱՐԱՐ  
ՀՈԳԻՈՅՆ:

---

Սպասեցին աչք իմ ի բանի քում. ասացի՝ ե՞րբ մխիթարեցես զիս:  
Եղէ որպէս տիկ ի պարզի. զի զարդարութիւնս քո ես ո՛չ մոռացայ:  
Քանի՞ ինչ են աւուրք ծառայի քո, ե՞րբ արասցես ինձ իրաւունս ի հալածչաց իմոց:  
Պատմեցին ինձ անօրէնք ըզխորհուրդս, այլ ո՛չ որպէս զօրէնս քո:  
Ամենայն պատուիրանք քո ճըշմարիտք են. ի նանիբ հալածեցին զիս՝ օգնեա՛ ինձ:  
Փոքր մի եւս եւ կորուսանէին զիս յերկրի. այլ ես ո՛չ թողի զպատուիրանս քո:  
Ըստ ողորմութեան քում կեցո՛ զիս. եւ պահեցից զվկայութիւնս բերանոյ քո:  
Յաւիտեան, Տէր, բան քո կայ յերկիրս, յազգէ մինչեւ յա՛զգ է ճշմարտութիւն քո:  
Հաստատեցեր զերկիր, եւ կայ:  
Հրամանի քում մնայ տիւ. զի ամենեքեան ծառայք քո են:  
Եթէ ո՛չ օրէնք քո խօսք իմ էին, կանխաւ եւս արդեօք կորուսեալ էի ի խոնարհութեան

իմում:

Յաւիտեան ո՛չ մոռացայց զարդարութիւնս քո, զի նոքօք կեցուցեր զիս:  
Քո՛ եմ ես եւ կեցո՛ զիս. զի զարդարութիւնս քո խնդրեցի:  
Ինձ սպասեցին մեղաւորք ի կորուսանել՝ զի զվկայութիւն քո ես ի միտ առի:  
Յամենայն կատարածի տեսի զվախճան. յոյժ անդորր էին ինձ պատուիրանք քո:  
Որպէս սիրեցի զօրէնս քո. զօրհանապազ խօսք իմ էին:  
Քան զթշնամիս իմ իմաստուն արարեր զիս ի պատուիրանս քո. զի յաւիտեան իմ էին:  
Քան զամենայն ուսուցիչս իմ իմաստուն եղէ. զի վկայութիւնք քո խօսք իմ էին:  
Քան զձերսն իմաստուն եղէ. զի զպատուիրանս քո քննեցի:  
Յամենայն ճանապարհաց չարաց արգելի զոտս իմ. որպէս զի պահեցից զբանս քո:  
Յիրաւանց քող ես ո՛չ խոտորեցայ. զի դու օրէնսգետ արարեր զիս:  
Որպէս զի քաղցր են ի քիմս իմ բանք քո, քան զմեղր բերանոյ իմոյ:  
Ի պատուիրանաց քոց իմացեալ՝ ատեցի զամենայն ճանապարհս չարաց. զի դու

օրէնսգետ արարեր զիս:

Ճրագ են բանք քո ոտից իմոց, եւ լոյս տան շաւղաց իմոց:  
Երդուայ եւ հաստատեցի. զի պահեցից զամենայն իրաւունս արդարութեան քո:  
Խոնարհ եղէ մինչեւ յոյժ, Տէր, կեցո՛ զիս ըստ բանի քում:  
Ընդ կամս բերանոյ իմոյ հաճեա՛ց, Տէր, եւ զիրաւունս քո ուսո՛ ինձ:  
Անձն ւմ ի ձեռս քո է յամենայն ժամ. եւ զօրէնս քո ես ո՛չ մոռացայ:  
Եղին ինձ մեղաւորք որոզայթ, ի պատուիրանաց քոց եւ ո՛չ մոլորեցայ:  
Ժառանգեցի զվկայութիւնս քո յաւիտեան, զի ցնծութիւն է սրտի իմոյ:  
Խոնարհեցուցի զսիրտ իմ առնել զարդարութիւնս քո յաւիտեան՝ վասն հատուցման:  
Զանօրէն ատեցի. եւ զօրէնս քո սիրեցի:  
Օգնական եւ փրկիչ իմ ես դու. եւ ես ի բանս քո յուսացայ:  
Ի բա՛ց եղերո՛ւք յինէն չարք. եւ քննեցից զպարուիրանս Աստուծոյ իմոյ:  
Օգնեա՛ ինձ ըստ բանի քում, եւ կեցո՛ զիս. եւ մի՛ յամօթ առներ զիս ի յուսոյ իմմէ:

**ԿԱՐԳԱԻՈՐՈՒԹԻՒՆ ՀԱՍԱՐԱԿԱՑ ԱՂՕԹԻՑ ՀԱՅԱՍՏԱՆԵԱՅՑ Ս. ԵԿԵՂԵՑԻՈՑ  
ԽԱՂԱՂԱԿԱՆ ԺԱՄՈՒՆ ՈՐ ԿԱՏԱՐԻ Ի ԴԷՄՍ ՀՈԳԻՈՅՆ ԱՍՏՈՒԾՈՅ ԱՅԼ ԵՒ Ի ԴԷՄՍ  
ԲԱՆԻՆ ԱՍՏՈՒԾՈՅ, ՈՐ ԵՂԱԻ Ի ԳԵՐԵԶՄԱՆԻ ԵՒ ԷԶ Ի ԴԺՈՒՄ ԵՒ ԽԱՂԱՂՈՒԹԻՒՆ ԱՐԱՐ  
ՀՈԳԻՈՅՆ:**

---

Օգնեա՛ ինձ եւ ապրեցո՛ զիս, եւ խոնարհեցայց յիրաւունս քո յամենայն ժամ:

Անարգեցեր զամենեսեան, որք ապստամբք եղեն յարդարութեանց քոց. զի անիրաւութեամբ էին խորհուրդք նոցա:

Յանցաւոր համարեցայ զամենայն մեղաւորս երկրի. վասն այսորիկ սիրեցի զպատուիրանս քո:

Բեւեռեա՛ ընդ երկիւղ քո զմարմին իմ. զի ի դատաստանաց քոց եկայց յոյժ:

**(Ա2.)** Արարի իրաւունս եւ արդարութիւն. մի՛ մատներ զիս ի ձեռս նեղչաց իմոց:

Ընկա՛ լ զճառայս քո ի բարի. զի մի՛ ամբարտաւանք զգուեսցեն զիս:

Սպասեցին աչք իմ փրկութեան քում, Տէր, եւ բանից արդարութեան քո:

Արա՛ ընդ ծառայի քում, Տէր, ըստ ողորմութեան քում. զարդարութիւնս քո ուսո՛ ինձ:

Ծառայ քո եմ ես, իմաստո՛ւն արա զիս, եւ ծանեայց զվկայութիւնս քո:

Վասն այսորիկ սիրեցի զպատուիրանս քո. քան զամենայն ոսկի եւ զտպագիոն:

Ամենայն պատուիրանք քո յաջողեցան ինձ, զի ատեցի եւ զճանապարհս չարաց:

Սքանչելի են վկայութիւնք քո, վասն այսորիկ սիրեաց զնոսա անձն իմ:

Յայտնութիւն բանից քոց լուսաւո՛ր է, եւ իմաստուն առնէ ըզտղայս:

Զբերան իմ բացի, եւ առի զհոգի ի պատուիրանս քո փափագեաց անձն ի՛մ:

Նայեա՛ց առ իս եւ ողորմեա՛ ինձ, ըստ իրաւունս սիրողաց անուան քո:

Զճանապարհս իմ ուղիղ արա՛ ինձ ըստ բանի քում եւ մի՛ տիրեսցեն ամենայն մեղք:

Փրկեա՛ զիս ի զրպարտութենէ մարդկան. եւ պահեցից զպատուիրանս քո:

Երեւեցո՛ զերեսս քո ի ծառայս քո, եւ ուսո՛ ինձ զարդարութիւնս քո:

Վտակք ջուրց իջին յաչաց իմոց. զի ո՛չ պահեցին զօրէնս քո:

Արդա՛ր ես դու, Տէր, եւ ուղիղ են դատաստանք քո:

Պատուիրեցեր զարդարութիւն վկայութեանց քոց, Տէր, եւ ճշմարիտ են յոյժ:

Մաշեաց զիս նախանձ քո, զի մոռացան զբանս քո թշնամիք իմ:

Ընտրեալ է բան քո յոյժ, եւ ծառայ քո սիրեաց զսա:

Մանուկ եմ ես եւ արհամարհեալ. եւ զարդարութիւնս քո ես ո՛չ մոռացայ:

Արդարութիւն քո, արդարութիւն յաւիտենից. եւ օրէնք քո ճշմարիտ են:

Նեղութիւնք եւ վիշտք գտին զիս. եւ պատուիրանք քո խօսք իմ էին:

Արդարութեամբ են վկայութիւնք քո յաւիտեան, իմաստո՛ւն արա եւ կեցո՛ զիս:

Կարդացի առ քեզ բոլորով սրբոսի իմով. լո՛ւր ինձ, Տէր, զարդարութիւնս քո խնդրեցի:

Աղաղակեցի առ քեզ եւ փրկեա զիս. եւ պահեցից զվկայութիւնս քո:

Կանխեցի տարածամու՛ աղաղակեցի. եւ ես ի բանս քո յուսացայ:

Կանխեցին աչք իմ առաւօտու. ի խօսիլ ինձ զբանս քո:

Ձայնի իմում լուր, Տէր, ըստ ողորմութեան քում. եւ յիրաւունս քո, կեցո՛ զիս:

Մերձեցուցին յիս հալածիչք իմ զանօրէնութիւն. զի յօրինաց քոց հեռի եղեն:

ԿԱՐԳԱԻՈՐՈՒԹԻՒՆ ՀԱՍԱՐԱԿԱՑ ԱՂՕԹԻՑ ՀԱՅԱՍՏԱՆԵԱՅՑ Ս. ԵԿԵՂԵՑԻՈՑ  
ԽԱՂԱՂԱԿԱՆ ԺԱՄՈՒՆ ՈՐ ԿԱՏԱՐԻ Ի ԴԷՄՍ ՀՈԳԻՈՅՆ ԱՍՏՈՒԾՈՑ ԱՅԼ ԵՒ Ի ԴԷՄՍ  
ԲԱՆԻՆ ԱՍՏՈՒԾՈՑ, ՈՐ ԵՂԱԻ Ի ԳԵՐԵԶՄԱՆԻ ԵՒ ԷԶ Ի ԴԺՈՒՄ ԵՒ ԽԱՂԱՂՈՒԹԻՒՆ ԱՐԱՐ  
ՀՈԳԻՈՅՆ:

---

Մերձ ես դու, Տէր, եւ ամենայն պատուիրանք քո ճշմարիտ են:  
Ի սկզբանէ ծանեայ ի վկայութեանց քոց. զի յաւիտեան հաստատեցեր զնոսա:  
Տե՛ս զխոնաչիութիւն իմ, եւ փրկեա՛ զիս, զի զօրէնս քո ես ո՛չ մոռացայ:  
Դատեա՛ զդատաստանս իմ, եւ փրկեա՛ զիս. եւ ըստ բանի քում կեցո՛ զիս:  
Հեռի է ի մեղաւորաց փրկութիւն. զի զիրաւունս քո ո՛չ պահեցին:  
Բազում են որք հալածեն եւ նեղեն զիս. ի վկայութեանց քոց եւ ո՛չ խոտորեցայ:  
Հայէի յանագորոյնս եւ մաշէի, զի զպատուիրանս քո ո՛չ պահեցին:  
Տե՛ս՝ զի զպատուիրանս քո սիրեցի, Տէր, ողորմութեամբ քով կեցո՛ զիս:  
Սկիզբն բանից քոց ճշմարտութիւն է. յաւիտեան են ամենայն իրաւունք արդարութեան

քո:

Իշխանք հալածեցին զիս ի նանիր, եւ ի բանից քոց երկեալ սիրտ իմ:  
Ցնծացայ եւ ի բանս քո որպէս այն, որ գտանէ աւար բազում:  
Զմեղս ատեցի եւ անարգեցի եւ զօրէնս քո սիրեցի:  
Եօթն անգամ յաւուր օրհնեցից զքեզ վասն իրաւանց եւ արդարութեան քո:  
Խաղաղութիւն բազում է այնոցիկ՝ ոյք սիրեն զօրէնս քո. եւ ո՛չ գոյ ի նոսա

գայթակղութիւն:

Մպասեցի փրկութեան քում, Տէր. եւ զպատուիրանս քո սիրեցի:  
Պահեաց անձն իմ զվկայութիւնս քո, զի ամենայն ճանապարհք իմ առաջի քո են:  
Մերձեցին խնդրուածք իմ առաջի քո, Տէր, ըստ բանի քում իմաստուն արա՛ զիս:  
Մտցեն աղօթք իմ առաջի քո, Տէր, եւ բանիւ քով փրկեա՛ զիս:  
Բղիւսեցեն շրթոնք իմ զօրհնութիւնս քո. յորժամ ուսուցես ինձ զարդարութիւնս քո:  
Խօսեցի լեզու իմ զբանս քո, զի ամենայն պատուիրանք քո արդարութեամբ են:  
Եղիցի ձեռն քո ի կեցուցանել զիս, զի զպատուիրանս քո ընտրեցի:  
Ցանկացայ փութեան քում, Տէր, եւ օրէնք քո խօսք իմ էին:  
Կեցցէ անձն իմ օրհնեցէ զքեզ. եւ իրաւունք քո օգնեցեն ինձ:

Մոլորեցայ եւ որպէս զոչխար կորուսեալ. խնդրեա՛ զճառայս քո. զի զպատուիրանս քո ես  
ո՛չ մոռացայ:

*Փառք Հօր եւ Որդւոյ եւ Հոգւոյն սրբոյ:*

ԿԱՐԳԱԻՈՐՈՒԹԻՒՆ ՀԱՍԱՐԱԿԱՑ ԱՂՕԹԻՑ ՀԱՅԱՍՏԱՆԵԱՅՑ Ս. ԵԿԵՂԵՑԻՈՑ  
ԽԱՂԱՂԱԿԱՆ ԺԱՄՈՒՆ ՈՐ ԿԱՏԱՐԻ Ի ԴԷՄՍ ՀՈԳԻՈՑՆ ԱՍՏՈՒԾՈՑ ԱՅԼ ԵՒ Ի ԴԷՄՍ  
ԲԱՆԻՆ ԱՍՏՈՒԾՈՑ, ՈՐ ԵՂԱԻ Ի ԳԵՐԵԶՄԱՆԻ ԵՒ ԷԶ Ի ԴԺՈՒՄ ԵՒ ԽԱՂԱՂՈՒԹԻՒՆ ԱՐԱՐ  
ՀՈԳԻՈՑՆ:

Եւ զկնի ասի

Շ Ա Ր Ա Կ Ա Ն  
ԳԶ.

(ԱԶ.) Ի քէն հայցեմք, Հայր գթութեանց եւ Աստուած մխիթարութեանց. ի տխրական զիշերային մերձեալ ժամուս՝ մըխիթարեա՛ զմեզ ի տրտմութեանց մեղաց՝ եւ շնորհեա՛ զուրախութիւն գործովք արդարութեան. աղաչանօք սուրբ Աստուածածնին՝ եւ ամենայն արդարոց: Խաղաղական

Ըստ քաղցրագոյն աստուածային քո հրամանի կոչման, Որդի Աստուծոյ, եկեալ եմք առաջի քո յերեկոյիս աշխատեալք եւ ծանրաբեռնեալք. թեթեւացո ի ծանրութեանց մեղաց զանձինս եւ զօրացո՛ քառնալ կամաւ զքաղցր լուծ քոց պատուիրանաց. աղա:

Պաղատիմք առ քեզ հոգւով ի հանգստեան հասեալ ժամուս, յորժամ նորոգես զերեսս երկրի, եւ վերստին ստանաս զոգիս մարդկան՝ նորափետուր զարդարեա՛ զննջեցեալսն մեր զճնեալսն ի քէն սուրբ աւագանան. աղա:

Զկենդանագիր անարատ ծնողի քո արկանեմք առաջի անոխակալ տէրութեանդ քո. յորժամ գաս փառօք Հօր դատել զթշնամին խաչիքո՛ ներեա յանցանաց մերոց բարեխօսութեամբ մօր քո եւ կուսի, աղաչեմք զքեզ, Տէր, պահպանեա զմեզ ընդ հովանեաւ խաչի քո սուրբ:

Հաղորդս արա եւ զմեզ, Տէր, ընդ սրբոց քոց առաքելոցն՝ որք արժանի եղեն տեսանել զքեզ ի յարութեան քո. արժանաւորեա՛ Տէր, տեսանել զքեզ ի միւսանգամ քո գալստեանն. օրհնութիւն առաքողին ի բարձունս:

Ի նստիլ քո յատենի, դատաւո՛ր ահեղ, աղաչանօք սուրբ Աստուածածնին, յիշեա՛ զննջեցեալսն մեր, յորժամ գայցես անճառ փառօք. քանզի քո են փառք յաւիտեանս ամեն:

ԵՐԵՎՈՅԵԱՆ ԱՏԵՂԻՔ ՄԵԾԻ ՊԱՀՈՑ

Սկսեալ ի չորրորդ շաբաթ:

(Սկսուածք աշակ. դատուն են)

Դ. ԴՇ. Սրբուհի Մարիամ. սափոր ոսկի եւ տապանակ կտակարանաց. որ ըզ ի վերուստ զհացըն կենաց պարգեւեցեր քաղցեալ բնութեանս. առ նա միշտ բարեխօսեա վասն քաւութեան մեղաց մերոց:



**ԿԱՐԳԱԻՈՐՈՒԹԻՒՆ ՀԱՍԱՐԱԿԱՑ ԱՂՕԹԻՑ ՀԱՅԱՍՏԱՆԵԱՅՑ Ս. ԵԿԵՂԵՑԻՈՑ  
ԽԱՂԱՂԱԿԱՆ ԺԱՄՈՒՆ ՈՐ ԿԱՏԱՐԻ Ի ԴԷՄՍ ՀՈԳԻՈՅՆ ԱՍՏՈՒԾՈՅ ԱՅԼ ԵՒ Ի ԴԷՄՍ  
ԲԱՆԻՆ ԱՍՏՈՒԾՈՅ, ՈՐ ԵՂԱԻ Ի ԳԵՐԵԶՄԱՆԻ ԵՒ ԷԶ Ի ԴԺՈՒՄ ԵՒ ԽԱՂԱՂՈՒԹԻՒՆ ԱՐԱՐ  
ՀՈԳԻՈՅՆ:**

---

**Ե. ԴՇ.** Դասք անմարմնոց հրրեշտակաց քեզ երանեն, ամենօրինեալ կոյս Մարիամ, որ զէակից Բանն, որ ընդ Հօր կրեցեր ի քեզ անսերմնապէս. առ նա միշտ բարեխօսեա վասն քաւութեան մեղաց մերոց:

**Զ. ԴՇ.** Վասն որոյ եւ մեք հաւատացեալքս քեզ երկրպագեմք, Քրիստոս, եւ արտասուօք հայցեմք ի քէն, բարեխօսութեամբ Աստուածածնին զաստուածային լոյս քո ծագեա յանձինս մեր. օրինեմք զքեզ ի յարութեան երեկոյիս ահաւոր թագաւոր:

**Դ. ԵՇ.** Առաքեալք Աստուծոյ. ընտրեալք ի սկզբանէ նախ քան զաշխարհս, որք արժանի եղէք տեսանել զանտեսն հրեղինաց. բարեխօսեցէք առ Տէր վասն մանկանց եկեղեցւոյ:

**Ե. ԵՇ.** Բարեկա՛մք Քրիստոսի, հազարապետք աստուածայինն խորհրդոցն, որք ի հոսանուտ մեղաց ծովէս վերածիք զմարդիկ ի կեանս անմահ. բարեխօսեցէք:

**Զ. ԵՇ.** Գերագոյն քան զբնաւս՝ անճառելւոյն հասիք երանութեան, որք ի զալստեան Տեառն նստջիք յերկոտասան աթոռն Քրիստոսի՝ բարեխօսեցէք:

**Դ. ՈՒՐ.** Պարունակեալ պահէին յանեղաշէն դրախտին զճանապարհս ծառոյն կենաց, քրո՛վբեական հոյքն բոցեղէն սրովբելիք. այսօր արտափայլեալ ցուցար յերկրի աստուածագարդ փայտ կենաց եւ փրկութեանդ. զքեզ օրինեն մանկունք սուրբ եկեղեցւոյ:

**Ե. ՈՒՐ.** Սարեկայ ծառոյն վերաբերեալ խոյ յողջակէզս փոխանակ Իսահակայ. այլ ի վերայ քո զենաւ գառն անարատ, ի հաշտութիւն Հօր եւ ի բառնալ զմեղ մեր. զքեզ օրի:

**Զ. ՈՒՐ.** Պարծա՛նք Պօղոսեան. դաւանեալ զքեզ աստուածային բանին տեղի եւ զենարան. քանզի քեւ ապրեցաք ի խածանող եւ յանմարմին զագանէն ի վերայ քո հեղեալ շիթք անապական արեանն զկողածնին ջնջեաց զմեղքս. զքեզ օրի:

**Դ. ԲՇ.** Երկնաւոր հօտ ընտրեալ. գոր հովին քաջ թողեալ յերկինս, եւ եկեալ ի խնդիր մեզ մոլորելոցս. սրով լցեալ զթիւ հարիւրոցդ, արար ուրախութիւն ի յերկինս երկնաւորացդ. աղաչեմք զձեզ, բարեխօս լերուք առ Տէր վասն քաւութեան մեղաց մերոց:

**Ե. ԲՇ.** Տեսանո՛ղք անտեսին. խորհրդածո՛ւք խորոցն Աստուծոյ. որք իջեալք ընդ Միածին ըսպասաւորել տնօրէնութեանն, ի ծննդեանն աւետաւորք հովուացրն. եւ կանանցն իղաբերից կենաց քարոզք զկենդանւոյն. աղա:

**ԿԱՐԳԱԻՈՐՈՒԹԻՒՆ ՀԱՍԱՐԱԿԱՑ ԱՂՕԹԻՑ ՀԱՅԱՍՏԱՆԵԱՅՑ Ս. ԵԿԵՂԵՑԻՈՑ  
ԽԱՂԱՂԱԿԱՆ ԺԱՄՈՒՆ ՈՐ ԿԱՏԱՐԻ Ի ԴԷՄՍ ՀՈԳԻՈՅՆ ԱՍՏՈՒԾՈՅ ԱՅԼ ԵՒ Ի ԴԷՄՍ  
ԲԱՆԻՆ ԱՍՏՈՒԾՈՅ, ՈՐ ԵՂԱԻ Ի ԳԵՐԵԶՄԱՆԻ ԵՒ ԷԶ Ի ԴԺՈՒՄ ԵՒ ԽԱՂԱՂՈՒԹԻՒՆ ԱՐԱՐ  
ՀՈԳԻՈՅՆ:**

---

**Զ. ԲՇ.** Պահապանք աշխարհի, բանակք Տեառն շուրջ զերկիրաճովք բարեկամք ազգի մարդկան, միջնորդք մահու եւ յարութեան, Միքաայել եւ Գաբրիել մեծք, որ կայք միշտ առաջի ամենասուրբ երրորդութեանն. աղա:

**Դ. ԳՇ.** Երկնաւոր փեսայ, անըստուեր լոյս իմանալի. որ ի յերկնից իջեր ի սէր հարսին քո եկեղեցոյ. զոր խօսեցաւ քեզ բարեկամն եւ փեսաւերն քո Յովհաննէս. սորին մատրանօք ողորմեա:

**Ե. ԳՇ.** Քառակերպի՛ցն անհաս եւ անտե՛ս ի սերովբէից. սրբութեա՛նց սուրբ եւ Տե՛ր բոլորից, խոնարհեցար ի Յորդանան. հայցելով ի ծառայէն մաքրութիւն ջրոյ ի լուանալ զմեղզ Ադամայ. սորին:

**Զ. ԳՇ.** Որ յամլորդոյն վկայեցար Գառն Աստուծոյ բարձող մեղաց. զոր զերագոյն արդարոց ծանուցեր մեծ ի ծնունդս կանանց եւ ճրագ օրինացն. որ եւ ի դժոխս զփրկական գալուստն քո քարոզեաց. սորին:

**Մ Ա Ղ Թ Ա Ն Ք**

Հոգւոյն հանգուցելոց, Քրիստոս Աստուած, արա՛ հանգիստ եւ ողորմութիւն. եւ մեզ մեղաւորացս շնորհեա՛ զթողութիւն յանցանաց:

**Ք Ա Ր Ո Ջ**

(Ա<sub>2</sub>.) Եւ եւս խաղաղութեան զՏէր աղաչեսցուք:

Վասն հանգուցեալ հոգւոցն աղաչեսցուք զՓրկիչն մեր Քրիստոս՝ զի գնոսա ընդ արդարսն դասեսցէ. եւ զմեզ կեցուցէ շնորհիւ ողորմութեան իւրոյ: Ամենակալ Տէր Աստուած մեր. կեցո՛ւ եւ ողորմեա՛:

**Ա Ղ Օ Թ Ք**

*(Յաւագ երիցու դասէն)*

Տէր ողորմեա՛, Տէր ողորմեա՛, Տէր ողորմեա՛:

Քրիստո՛ս Որդի Աստուծոյ, անոխակալ եւ բարեգութ, զթա՛ քո արարչական սիրովդ ի հոգիս հանգուցեալ ծառայից քոց: Յիշեա յաւուր մեծի գալստեան արքայութեան քո: Արա՛ արժանի ողորմութեան, քաւութեան եւ թողութեան մեղաց: Դասաւորեալ պայծառացո՛ւ ընդ սուրբս քո յաջակողմեան դասուն: Զի դու եւ Տէր եւ արարիչ ամենեցուն, դատաւոր կենդանեաց

ԿԱՐԳԱԻՈՐՈՒԹԻՒՆ ՀԱՍԱՐԱԿԱՑ ԱՂՕԹԻՑ ՀԱՅԱՍՏԱՆԵԱՅՑ Ս. ԵԿԵՂԵՑԻՈՑ  
ԽԱՂԱՂԱԿԱՆ ԺԱՄՈՒՆ ՈՐ ԿԱՏԱՐԻ Ի ԴԷՄՍ ՀՈԳԻՈՅՆ ԱՍՏՈՒԾՈՅ ԱՅԼ ԵՒ Ի ԴԷՄՍ  
ԲԱՆԻՆ ԱՍՏՈՒԾՈՅ, ՈՐ ԵՂԱԻ Ի ԳԵՐԵԶՄԱՆԻ ԵՒ ԷԶ Ի ԴԺՈՒՄ ԵՒ ԽԱՂԱՂՈՒԹԻՒՆ ԱՐԱՐ  
ՀՈԳԻՈՅՆ:

---

Եւ մեռելոց: Եւ քեզ վայելէ փառք, իշխանութիւն եւ պատիւ, այժմ եւ միշտ եւ յաւիտեանս  
յաւիտենից. ամէն:

*Օրհնեալ Տէր մեր Յիսուս Քրիստոս. Ամէն:*

*Համակարգչային աշխատանքը՝*

*Հոգեշնորհ Տ. Զավեն արեղա Յազիչյանի*

*Մայր Աթոռ Սուրբ Էջմիածնի Միաբան*